

VI.

Ex Regest. in Secret. B. v.

Prioratus Baruli, seu de Barletta Ordinis S. Joannis Hierosolymitani collationem Sedi Apostolice reservat.

INNOCENTIUS PAPA IX.

Ad futuram rei memoriam.

Reservatio de qua in rubrica.

§.1. UT de Prioratu Baruli, seu de Barletta, Hospitalis S. Joannis Hierosolymitani, quem dilectus filius noster Joannes Vincentius, Tituli S. Alexii Presbyter Cardinalis Gonzaga in titulum, vel commendam, aut alias ex concessione, seu dispensatione Apostolica nunc obtinet, quodcumque vacare contigerit, nos, & Sedes Apostolica libere, ac sublati impedimentis omnibus, disponere valeamus. Motu proprio, & ex certa nostra scientia, ac de Apostolice potestatis plenitudine, ac ex causis animi nostrum moventibus, nobisque benevisis, Prioratum hujusmodi ex nunc dispositioni nostre, ac ejusdem Sedis Apostolice specialiter, ac nominatim reservamus, ita ut, adveniente illius vacatione, sive per obitum, etiam apud Sedem eandem, aut etiam apud Conventum ejusdem Hospitalis, aut alibi in quacumque Mundi parte, sive per liberam resignationem, etiam coram Notario, & Testibus sponte factam, aut aliam quacumque dimissionem, vel amissionem predicti Joannis Vincentii Cardinalis, aut alias quovis modo, dilectus filius Magister, aut Conventus Hospitalis predicti, aut alia persona, quavis etiam Apostolica auctoritate, de illo disponere minime valeant, sed Nos, & Sedes predicta, aut pro tempore existens Romanus Pontifex de eodem Prioratu in favorem cujuscumque persone, etiam si, juxta statuta, & statuta ejusdem Hospitalis, omnia requisita non habuerit, libere disponere, illique conferre, aut in titulum, sive commendam, vel administrationem dare, & concedere possit.

Inhibitio M. Magistro, quo minus in hujusmodi collatione se ingerat.

§.2. Inhibentes propterea tam Magistro, & Conventui S. Joannis Hierosolymitani predictis, quam quibusvis aliis interesse quomodolibet pretendentes, ne se in eo intromittere quoquo modo audeant, vel presumant, decernentes irritum, & inane quidquid, secus super his ab

illis, seu a quoquam, quavis auctoritate scienter, vel ignoranter contigerit attentari.

Derogatio contrariorum

§.3. Non obstantibus Cancellariae nostrae Apostolice Regulis, ac Constitutionibus, & Ordinationibus Apostolicis, nec non predictis, etiam juramento, confirmatione Apostolica, vel quavis firmitate alia roboratis statutis, & stabilimentis, usibus, & naturis Hospitalis hujusmodi, privilegiis quoque, Indultis, & Literis Apostolicis, ac gratis quibuslibet magno Magistro, & Conventui predictis, sub quibuscumque tenoribus, & formis, ac cum quibusvis etiam derogatoriis derogatoris, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, etiam motu simili, & consistorialiter, ac ad Imperatoris, Regum, vel aliorum Principum instantiam, & contemplationem, aut alias quomodolibet concessis, & pluries, ac iteratis vicibus approbatis, confirmatis, & innovatis, nec non gratis, & expectativis, tam a dictis Magistro, & Conventu, quam etiam a Romanis Pontificibus Praedecessoribus nostris, ac a nobis, & Sede predicta quibusvis personis generice ad quoscumque dicti Hospitalis Prioratus, vel alia Beneficia, aut etiam forsan nominatim ad hunc ipsum, quavis auctoritate concessis: quibus omnibus, etiam si in eis caveatur expresse, quod illis nullo modo derogari possit, nisi, vel si etiam de illis eorumque totis tenoribus specialis, specifica, & ad verbum expressa mentio haberetur, & certa inibi, tunc expressa, forma observaretur, & nisi ad hoc Magister, Conventus, aut alii interesse habentes, seu pratendentes vocati non fuerint: quodque aliter facte derogationes non valeant, & nullatenus suffragentur, tenores hujusmodi presentibus pro sufficienter expressis, ac formas pro plene observatis habentes, ad hunc effectum, specialiter, expresse, ac latissime derogamus, ac derogatum esse volumus, & decernimus, illaque omnia adversus hanc reservationem, nemini omnino suffragari, perinde ac si non emanasset, decernimus pariter, & declaramus; ceterisque contrariis quibuscumque.

Datum Romae apud S. Petrum sub Anulo Piscatoris die 21. Decembris 1591. Pontificatus nostri Anno I.

Dat. die 21. Decem. 1591. An. I.

CLE-

CLEMENS OCTAVUS
PAPA CCXXXIII.
ANNI CHRISTI MDXCII.



Die 30. Januarii 1592. Hippolytus Aldobrandinus patria Florentinus Sanctae Romanae Ecclesiae Presbyter Cardinalis Tituli Sancti Pancratii electus est Romanus Pontifex, qui Clementis VIII. nomine assumpto, Sacra Thiara redimitus est die 2. Februarii. Sedit temporibus Rodulphi II. Imperatoris Ann. XIII. Mensem I. Dies V. Creavitque diversis temporibus Cardinales XVI. Obiit die 3. Martii 1605. Sepultusque fuit in Basilica Vaticana. Vacavit Sedes Dies XXIX.

I.

Perogatio ad aliud quinquennium applicationis fructuum Ecclesiae Chiffamentis in Insula Cretae Collegio Graecorum in Urbe erecto.

Ex Regest. in Secret. Brev.

Hoc Collegium fundavit Gregorius PP. XIII. Constit. LXIII. qua incipit. In Apostolica Tom. IV. Par. III. fol. 328. Eisdemque Collegio Sixtus PP. V. Officium Diaconi, & Subdiaconi pro Cappellis Pontificiis addidit Constit. LXXXI. qua incipit Religiosa. Tom. IV. Par. IV. fol. 295.

CLEMENS PAPA VIII.

Ad futuram rei memoriam.

§.1. CUM alias fel. rec. Gregorius Papa XIII. Praedecessor noster per suas literas, datas Idibus Januarii, Pontificatus sui Anno V., Collegio Scholarium Graecorum, in Alma Urbe tunc erecto, & instituto, in sustentationem eorumdem Scholarium, Chiffamentis Ecclesiae in Insula Cretae, tunc certo modo vacantis, fructus, redditus, proventus, juraque, obventiones, & emolumenta (dempta eorum certa portione) ad annos quindecim applicaverit; prout in ejusdem literis plenius continetur.

Gregor. XIII. Collegio Graecorum ad quinquennium applicavit fructus Ecclesiae Chiffamentis.

§.2. Et, sicut accepimus, tempus hujusmodi jam forsan effluxerit, sive ejus finis nunc instet. Nos considerantes Ecclesiam praedictam, quae adhuc vacat, Clero, Populoque latino omnino carere, praeter paucos quosdam Canonicos, qui tamen a longo, seu immemorabili tempore, sive ob tenuitatem Praebendarum, sive alias ob causas in ea non resident, sed apud Cidoniensem Ecclesiam, cui inservire solent, atque pia menti dicti Gregorii Praedecessoris inherentes, convenire judicavimus, subsidium hujusmodi Collegio praedicto ad aliquod longius tempus prorogare, donec, Deo dante, talis praedictae Chiffament. Ecclesiae constitui possit Episcopus, qui etiam Clero, & Populo graeco in eadem Insula Sacramenta, & quae sunt pontificalis ordinis, valeat ministrare. Quare applicationem, & assignationem omnium dictae Chiffament. Ecclesiae fructuum, reddituum, & proventuum, omniumque jurium, obventionum, & emolumentorum per ipsum Gregorium Praedecessorem, dicto Collegio, ut praefertur, factam, & ipsum tempus dictorum quindecim annorum, quatenus adhuc duret, ad alios quinque annos a fine dicti quinquennii computandos, auctoritate Apostolica, tenore presentium prorogamus, extendimus, & ampliamus, quatenus vero lapsus sit, eosdem fructus, redditus, proventus, jura, obventiones, & emolumenta omnia, exceptis Ducatis centum quinquaginta monetae venetae, Administratori, seu Vicario, qui auctoritate Apostolica eidem Ecclesiae deputabitur, persolvendis, ipsi Graecorum Collegio pro ejus Alum-

Clemens ad alios quinque annos prorogavit hujusmodi applicationem.

I I.

Innovatio Constitutionis Pii V. ab Innocentio IX. declarata, de non alienandis, & infeudandis Civitatibus, & Locis Sanctae Romanae Ecclesiae.

Constitutio Pii V. postea fuit in Constit. LIII. Admonet. Tom. IV. Par. II. fol. 364., & Constit. I. Quae ab hac. Innoc. IX. fol. 324. ut supra.

CLEMENS EPISCOPUS

SERVUS SERVORUM DEI

Ad perpetuam rei memoriam.

AD Romani Pontificis curam, & sollicitudinem pertinet, hoc quoque inter caetera non mediocri studio providere, ut quae ad conservandam Sanctae hujus Sedis temporalem ditionem bona, & jura, salubriter sancita fuerunt, ea & ab ipso, & ab aliis inviolata serventur.

§.1. Alias siquidem se. re. Pius Papa V. Praeceptor noster literas edidit in hac verba: Pius Episcopus &c. Admonet &c. Omittitur quia legi potest loco citato in rubrica.

§.2. Quae quidem Constitutio uti optima, & ad retinendam S. R. E. dignitatem plane salutaria, approbata, confirmata, & innovata fuit ab iis qui sequuti sunt, Praeceptoribus nostris, pia nimirum memoria Gregorio XIII., Sixto V., & Gregorio XIV.

§.3. Et novissime ab Innocentio IX. qui etiam, de tunc Sanctae Romanae Ecclesiae Cardinalium consilio, & assensu, de quorum numero Nos quoque tunc eramus, declaravit eadem Constitutione prohibita fuisse, & prohiberi, omnem, & quamcumque infeudationem, ac alienationem Civitatum, Terrarum, Oppidorum, & locorum Sedi Apostolicae tam mediate, quam immediate subjectorum, non solum ne fiat, neve attemptetur post eorum devolutionem, sed etiam antequam devolvantur, ac omnem, & quamcumque in perpetuum, vel ad tempus prorogationem, ac extensionem infeudationum, investiturarum, & concessionum de dictis Civitatibus, Terris, Oppidis, & locis nondum finitarum, ipsorumque incorporationem, quoad effectum impediendae infeudationis, alienationis, prorogationis, & extensionis hujusmodi, non a die eorum devolutionis, sed a die ipsius Constitutionis, etiam antequam illa devolvantur, ipso jure cum omnibus clausulis, & decretis in praedicta Constitutione contentis, Camera, & Sedi Apostolicae factam censerit, adjecto etiam Decreto, & declaratione, ut promissio, & juramentum praestitum, & praestandum, de servanda eadem Pii Praeceptoris praedicti Constitutione, per ipsum Innocentium, & Successores suos Romanos Pontifices, ac praedictos

Exordium.

Pius V. edidit Bullam hic cit.

Succesores approbarunt.

Innoc. IX. amplavit.

Vicarium in Ecclesia Chusfameusi deputat.

Necessarias eidem Vicario concedit facultates.

Derogatio contrariotum

Dat. die 10. Febr. 1592. An. I.

ctos Sanctae Romanae Ecclesiae Cardinales, intelligatur de ipsa Pii V. Praeceptoris Constitutione, per eum ut supra declarata, & secundum hujusmodi declarationem, eandem Constitutionem, ad unguem, & inviolabiliter observari oportere, ac debere, sicuti etiam se servaturum esse promissit, ac sancte, & solemniter juravit, prout in eisdem Innocentii Praeceptoris, sub Datum Pridie Nonis Novembris Pontificatus sui Anno Primo, expeditis literis, clarius continetur.

Hic Pontifex probat, & jurat d. Bullam Pii V. extensam ab Innocentio IX.

§.4. Quare Nos cum primum ad Apostolicae dignitatis fastigium divina providentia vocati sumus, id ipsum ad exequendum nostri Pastoralis officii debitum, praecipue pertinere existimantes, praesertim Pii Praeceptoris literas, ac omnia in eis contenta, etiam juxta declarationem praedictam, per ipsum Innocentium Praeceptorem factam, ac desuper confestarum literarum continentiam, & tenorem, quem pariter praesentibus haberi volumus pro expresso, ac de verbo ad verbum inserto, auctoritate Apostolica tenore praesentium comprobamus, confirmamus, & innovamus. Eaque firmiter, & inviolata, ac juxta declarationem praedictam Nos similiter servaturos esse promittimus, & juramus, atque per eos, ad quos spectat, pariter perpetuo observari praecipimus, & mandamus. Nulli ergo omnino hominum &c. Si quis &c.

D. P. An. I. die 14. Febr.

Datum Romae apud S. Petrum, Anno Incarnationis Dominicae millesimo quingentesimo nonagesimo secundo, 16. Kal. Martii, Pontificatus nostri Anno I.

Sequitur declaratio, & extensio dictae Constitutionis Pii V.

Pius V. alienationem locorum Sedi Apostolicae prohibuit ut supra in eius Constit. ubi etiam id tractantibus penas imposuit.

§.5. Sanctissimus Dominus Noster. Dixit, post editam per sanctae recordationis Pium Papam V. Sanctitatis suae Praeceptorem de fratrum consilio Constitutionem de non alienandis Civitatibus, Terris, Oppidis, & locis, sibi, & Apostolicae Sedi in temporalibus mediate, & immediate subjectis, etiam ad illud usque tempus in feudum, aut quemvis alienationis titulum dari solitis, ad sedem praedictam quomodolibet devolutis, & pro tempore devolvendis, gravissimis impositis poenis contra personas tractantes, consulentes, aut alias verba facientes de hujusmodi Civitatum, Terrarum, Oppidorum, & Locorum infeudationibus, etiam sub praetextu necessitatis, & evidenter utilitatis, sive illas insinuantes, & suadentes prout in ipsa Constitutione sub Datum 4. Kal. Aprilis Pontificatus sui Anno II. edita, sapius postmodum per Praeceptores suos, ac novissime per Sanctitatem suam comprobata latius continetur.

Gregor. XIV. declaravit d. prohibitionem non intelligi de feudo non devoluto si evidenter extaret

§.6. Pia mem. Gregorium XIV. itidem Praeceptorem suum, in Consistorio secreto, Romae apud Sanctum Marcum die Veneris 13. Septembris 1591. habito, sententiam tamen S. R. E. Cardinalium, qui tunc

aderant, ac de quorum numero etiam Sanctitas Sua erat, minime requisitis, quinimo multis eorum expresse contradicentibus declarasse, & decrevisse, Pii Praeceptoris Constitutione praedicta non prohiberi, feudum nondum devolutum, quando necessitas, aut evidens, & vera Ecclesiae utilitas postulaverit, iterum infeudari. Nec juramentum in ea praestitum similem casum comprehendere, ac neminem licite jurare posse, quod contra necessitatem, aut evidentem utilitatem Ecclesiae sit, sique praedictam Constitutionem intelligendam judicasse, ac desinuisse, itaut nemini postea de ea aliter, quam tunc ab ipso declaratum fuit, loqui, & scribere liceret, prout in eodem decreto, & declaratione plenius continetur.

1592. utilitas, vel necessitas illud iterum infeudand.

§.7. Verum quia re ipsa compertum est, quod fere omnes alienationes Terrarum, Civitatum, Oppidorum, & Locorum hujusmodi haecenus factae, ex quibus magna laesio, & imminutio patrimonii, ac existimationis Sanctae Romanae Ecclesiae sequuta est, etiam sub praetextu, & colore verae, & evidenter necessitatis, vel utilitatis Praeceptoribus Sanctitatis suae insinuate fuerunt, cum tamen vix ulla necessitas excogitari possit, cui ex aliis bonis, aut redditibus, & proventibus quam Constitutione praedicta alienari prohibitis subveniri nequeat, vix etiam ulla dari possit utilitas, cui non praeponderet recuperatio, & realis reintegratio in patrimonium S. R. E. earumdem Civitatum, & locorum hucusque alienatorum: cumque hujusmodi casus, absoluta necessitatis, aut verae, & evidenter utilitatis, facilius mente atque animo concipi, & effingi, quam usu venire possint, multo magis expedire omnem proflus alienationum, & investiturarum, prorogationum, & aliarum concessionum, quomodocumque, & sub quibuscumque causis, & praetextibus attentandi viam omnino pracludere, quam ob rarissimos casus, qui vix unquam contingere possunt, apertam relinquere, cumque lucrum in tempore negligere, maximum quandoque sit Ecclesiae lucrum, utilius esse radices omnes, ex quibus hujusmodi alienationes provenire valeant, penitus evellere, quam ex eo quod aliquando possit earum aliqua utilis esse, occasione praebere, ut multa praedicta, & damnosa fiant, cui absurdo atque incommodo, ipsum Pium Praeceptorem praestatum dicta Constitutione non immerito occurrere voluisse, qui longe plures, & graviores jacturas, ex multis perniciosis distractionibus sequi posse censuit, quam utilitates ex paucissimis, siquae unquam contingerent fructuosae. Proinde Sanctitas sua habita super hoc cum Venerabilibus Fratribus S. R. E. Cardinalibus deliberatione maturata, & singulorum auditis sententiis, de eorum consilio, & unanimi assensu, decretum, & declarationem superius memoratam fel. rec. Gregorii XIV. tamquam destruens praedicti Pii Constitutionem, alienandique occasione praebens, ac minime

Hic modo P6 tifix d. declaratione Gregorii XIV. vocat.

ne

Prohibitione que Pii V. casus etiam veris necessitatis & utilitatis comprehendere declarat.

necessariam, & desuper forsan consecras literas, quarum omnium tenores haberi voluit pro expressis, ac ad verbum insertis, auctoritate Apostolica revocavit, abrogavit, cassavit, & annullavit, perinde si numquam emanassent. §.8. Declarans dicta Constitutione prohiberi Civitatum, Terrarum, Oppidorum, Feudorum, & Locorum in ea contentorum, tam quae numquam antea in feudum concessa, quam quae alias etiam saepius alienata, vel infeudata, ac postmodum devoluta, aut etiam nondum devoluta fuerunt, alienationes, infeudationes, & prorogationes, & extensiones investiturarum, feudorum, & concessionum etiam ex causa necessitatis, aut evidentis, & verae utilitatis factas, & faciendas, juramentum quoque super eisdem Constitutionis observationem per Sanctitatem Suam, & Successores suos, ac S. R. E. Cardinales praestitum, & praestandum, casum hunc necessitatis, etiam absolutae, & evidentis, & verae utilitatis, omnino comprehendere, nec propterea aliquid illicitum jurari, aut quod contra necessitatem, vel utilitatem Ecclesiae sit, sed quod rationi consonum, atque e re illius est, ac summo opere conducit, prout eadem auctoritate declaravit, statuit, & decrevit, cum clausulis, & derogationibus opportunis.

Dat. P. An. I. die 26. Julii. Actum Romae in Monte Quirinali, die 26. Julii 1592. In Consistorio secreto.

III.

Comprobatio Constitutionum a Sixto V. editarum, circa conservationem pecuniarum praedicti triginta centena millium aureorum, in Arce Sancti Angeli repositorum, ad Sedis Apostolicae subventionem.

Haec Constitutiones Sixti sunt tres, & leguntur Const. XLIII. Tom. IV. Par. IV. fol. 206. Const. CVIII. fol. 362. Ibid. Tertia vero praesenti Tomo Const. CXXXV. fol. 1.

CLEMENS EPISCOPUS

SERVUS SERVORUM DEI

Ad perpetuam rei memoriam.

Exordium:

Quae salubri Praedecessorum nostrorum providentia, pro communi Christianae Reipublicae bono, & rei Ecclesiasticae fidei nostrae credita conservatione, statuta fuerunt, ea ut firma perpetuo, & inconcussa permaneat, libenter nostrae approbationis munimine roboramus.

Sixtus V. triginta centena millia nummum aureorum, in ararium repositi indeque pro mi vetuit in suis Constit. cit. in rub.

§. 1. Dudum siquidem sgl. recor. Sixtus Papa V. praedecessor noster, gravissimis de causis adductus, & adversus ingentia, quae impendebant, & adhuc impendent pericula, opportuna, quantum temporis conditio ferebat, subsidia preparans, de fratribus suorum S. R. E. Cardinalium, in quorum nu-

mero etiam nos tunc eramus consilio, primo sui Pontificatus Anno decies centena nummum aureorum millia, secundo vero anno altera itidem decies centena millia, ac demum tertio anno tertia similiter decies centena millia aureorum hujusmodi, in certum sanctiusque ararium, quod in Pontificia S. Angeli Arce constitutum est, summa diligentia industriaque retulit, ac de singulis decies centenis millibus nummis perpetuo asservandis, nec ullo inde umquam tempore, nisi ad praescriptos maximeque necessarios usus depromendis, & erogandis, trinas Constitutiones edidit, prout in illis, quarum tenores, etiam pro expressis, & praesentibus literis de verbo, ad verbum nihil penitus omisso insertis haberi volumus, ac decernimus, plenius continetur.

§. 2. Quas quidem Constitutiones cum maxime expediat in futurum servari: Nos, & muneris nostri debito satisfacere, & quod in eis disponitur, ut par est, adimplere cupientes, easdem Sixti praedecessoris literas, & omnia in eis contenta, de venerabilium fratrum nostrorum, praedictorum Cardinalium consilio, & assensu, auctoritate Apostolica tenore praesentium approbamus, confirmamus, & innovamus, easque firmiter, & inviolate, juxta illarum dispositionem, observare, etiam nunc de novo, per praesentes promittimus, vovemus, & juramus, ac per eos, ad quos spectat in futurum observari debere statuimus, & ordinamus. Nulli ergo &c. Si quis autem &c.

Datum Romae apud S. Petrum, Anno Incarnationis Dominicae, millesimo quingentesimo nonagesimo secundo, 16. Kal. Martii, Pontificatus nostri anno primo.

IV.

Confirmatio, & Innovatio literarum Pii V. & Constitutionis Pauli IV. contra Haebros Civitatis Avenionensis, & Comitatus Venayssini editarum, praesertim ne res novas vendant.

CLEMENS PAPA VIII.

Ad perpetuam rei memoriam.

Cum saepe accidere possit, ut, vel temporum injuria, vel hominum negligentia, aut alias ea, quae a Romanis Pontificibus proinde sciuntur, paulatim in desuetudinem abeant, ideo convenit, quandoque eorum memoriam adhibito confirmationis, & innovationis remedio, per eosdem Romanos Pontifices renovari, ut illa perpetuo firmiora subsistant.

§. 1. Dudum siquidem a sgl. recor. Pio PP. V. praedecessore nostro emanarunt literae confirmatoriae Constitutionis pie memoriae Pauli PP. IV. similiter praedecessoris nostri contra Judeos editae tenoris subsequens videlicet: Pius Episcopus Servus servorum Dei: Ad perpetuam rei memoriam. Romanus Pontifex. Christi Vicarius in terris &c. Caetera legi possunt Tom. IV. Part. II.,

Quas Const. hic Pontifex confirmavit, vovet, & jurat.

Dat. P. An. I. die 15. Febr.

Procerum.

Pius V. Pauli IV. literas, de quibus sit mentio in rubrica, confirmavit.

Tenor literarum Pii V.

Con-

Judaei supra dictas Constitutiones non observabant in aliquibus locis.

Eas innovat Clemens peculiariter per Civitatem Avenionensem, & Comitatum Venayssinum.

Vice-Legatis &c. eorumdem executionem committitur.

Clausula.

Derogatio contrarium.

Dat. die 28. Febr. 1592.

Causa hujus Constitutionis.

Constitut. X. fol. 286. Omititur tenor istius Constitutionis, qui a habes supra fol. citato.

§. 2. Cum autem, ut liquido apparet, praesertim literarum observationem ipsi Judaei aliquantulum relaxare, praesertim in locis ab Urbe remotis, & nominatim in Civitate Avenionensi, & Comitatu Nostro Venayssino, & in desuetudinem trahere dignoscantur;

§. 3. Nos volentes literas, & Constitutionem praefatas, ac omnia, & quaecumque perpetuo, ut par est inviolate observari debere, eisdem literas, & Constitutionem perpetuo confirmantes, & approbantes, Nostrae Apostolicae confirmationis perpetuo munimine roborantes, auctoritate Apostolica, tenore praesentium praecipimus, & mandamus, omnibus, & singulis, quos literae, & Constitutio praedictae concernunt, sub poenis in eis contentis, ut ea omnia, & singula inviolabiliter perpetuo observent, ac observari curent, & faciant.

§. 4. Et nihilominus dilectis filiis Nostro, & Apostolicae Sedis Legatis, Vice-Legatis, Gubernatoribus, Officialibus, & Ministris quibuscumque nominatim in Civitate Avenionensi, & Comitatu Nostro Venayssino praedictis nunc, & pro tempore existentibus, distincte praecipiendo mandamus, ut literas, & Constitutionem praedictas in Civitatibus Nostri, & locis quibuscumque praesertim Comitatus praedicti, & seu Legationis Avenionensis, omnino observari faciant, ac inter alia Judaeis ibidem degentibus, ne Merces rerum novarum, sed tantummodo ipsas res veteres, ut in ipsis literis disponitur, vendere, aut mercari praesumant, expresse prohibeant, in contravenientes poenas in literis, & Constitutione hujusmodi comminatas irremissibiliter exequendo.

§. 5. Et ita in praemissis per eisdem Civitatis, & Comitatus Legatos, seu Vice-Legatos, & alios quoscumque Judices Ordinarios, & Delegatos, scriblata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere: irritum quoque, & inane, si secus super his a quoquam quavis auctoritate scienter, vel ignoranter contigerit attentari, decernimus.

§. 6. Non obstantibus omnibus, quae in ipsis literis expressum est non obstat, ceterisque contrariis quibuscumque.

Datum Romae apud S. Petrum sub Anno Piscatoris die 28. Februarii 1592. Pontificatus Nostri Anno primo.

V.

Declaratio quoad electionem, & qualitates Judicum Conservatorum, ad instantiam quorumcumque Ordinum, Universitatum, Collegiorum, & locorum piorum, a Sede Apostolica concessorum, & concedendorum.

CLEMENS PAPA VIII.

Sacrosanctissimus in Christo Pater, & Dominus Noster Dominus Clemens, divina Bull. Rom. Tom. V. Par. I.

providentia Papa VIII. ne ob malitiosam petentium suggestionem, & ex eo quod ob locorum distantiam, personarum, quibus cause mandantur, certa notitia haud ita facile haberi potest, per Judices aliquos minus interdu idoneos in Conservatores deputatos causas ipsas cognoscei contingat, cupiens salubriter providere;

§. 1. Revocavit, ac declaravit nullas, invalidas, & subreptitias omnes, & quascumque Judicum deputationes in literis Conservatoris, juxta formam in quinterno Cancellariae descriptam, seu alias quomodolibet expeditis haecenus per Sedem Apostolicam, perpetuo, vel ad tempus nondum elapsum concessas, & directas iis Conservatoribus, & Judicibus, qui qualitates non habent requisitas, & descriptas in Constitutione sgl. rec. Bonifacii Papae VIII. Praedecessoris sui, quae incipit: Statutum.

§. 2. Quique etiam in Conciliis Provincialibus, aut Dioecesanis, juxta Decretum Concilii Tridentini, electi, & designati non sunt ad instantiam quorumcumque Conventuum, Capitulorum, Militiarum, Universitatum, Collegiorum, Ordinum, ac in favorem quorumvis Monasteriorum, Hospitalium, & aliorum quorumvis Piorum, tam secularium, quam cujusvis Ordinis, aut Instituti Regularium locorum, quantumvis exemptorum, obtentas, cum quibusvis praeservativis, restitutivis, mentis attestativis, derogatoriarum derogatoriis, efficacioribus, & insolitis clausulis, & decretis, quorum omnium tenores Sanctitas Sua haberi voluit pro expressis.

§. 3. Non tamen quoad negotia jam cepta, vel quoad ea, in quibus illa suum sortita effectum seu executionem habuerunt.

§. 4. Ac etiam insuper voluit, & ordinavit, quod omnes deinceps literae Conservatoriae hujusmodi per Sedem Apostolicam concedenda, ad Conservatores, & Judices dumtaxat dirigantur, qui qualitates juxta d. Bonifacii Constitutionem habeant, & quique in praefatis Conciliis electi, & designati sint, & non aliis aliter vero expeditae literae praefatae nullius sint roboris, vel momenti.

§. 5. Decernens, &c. Placet, publicetur, & describatur. Hi.

Acta, & publicata sunt supra dicta revocatio Romae in Cancellaria Apostolica, Anno Incarnationis Dominicae 1592., die vero 19. Martii, Pontificatus Sanctissimi Domini nostri Papae Anno I.

Claudius Ciccolinus Carser.

Revocatio quarumcumque deputationum Judicum Conservatorum a Sede Apostolica concessarum non habentium qualitates requisitas in cap. 11. de Re. script. in 6.

Et non electorum in Concilio Provincialibus juxta formam Conc. Trid.

Excipiuntur Cause jam deinitae, vel inceptae.

Literae impo- steram expedienda juxta formam Const. Bonifacii VIII.

Decretum irritans. Pape subscriptione. Publicatio. Pont. An. I. die 19. Martii.

Ex Regest. in Secr. Brev.

Commissio Nuncio apud Hispanie Regem, ut per se, aut per alium interit Capitulis Generalibus, & Provincialibus Monachorum Ordinis S. Benedicti.

CLEMENS PAPA VIII.

Ad perpetuam rei memoriam.

Commissio de qua in rubrica.

§. 1. CUM Nos hodie per alias Nostras literas, nonnulla circa controversias, & dissentiones electionis Abbatum Monasterii S. Benedicti Vallis Oleti Ordin. ejusdem S. Benedicti Palentin. Diocesis, qui Abbas Generalis Congregationis ejusdem Ordinis Regnorum Hispaniarum esse debet, statuerimus, & ordinaverimus, prout in eisdem literis, quarum tenorem praesentibus pro expresso haberi volumus, plenius continetur: cupientes summopere, ut ea omnia, & alia quaecumque in capitulis, tam generalibus, quam Provincialibus, & intermediis ejusdem Ordinis fieri contingerit, & praesertim circa electiones, & Regularia ejusdem Ordinis instituta, regulas, reformationes, visitationes, observationes, & Monasticam Disciplinam, rite, & recte executioni demandentur, ac simul etiam providere, ne in Capitulis successive celebrandis inter ipsos Monachos dissentionis, aut contentionis alicujus occasione, scandalum oriatur, dilecto filio Nostro, & Apostolicae Sedis pro tempore in Hispaniarum Regnis Nuncio, per praesentes mandamus, ut in Capitulis hujusmodi, quoties sibi expedire videbitur, per se, vel alium, seu alios, quos ad id idoneos duxerit eligendos, Nostro, & Apostolicae Sedis nomine interit, assistat, praesideat, ac quaecumque ad Divinum Cultum, salubrem directionem ipsius Ordinis, illiusque Monachorum bonum regimen, & reformationem expedire videbuntur, ordinari, ac constitui curet, & cum effectu faciat, provide, atque ut electiones hujusmodi per eos, ad quos spectat, juxta, & secundum nostrarum praedictarum tenorem fiant, ac Ordinis Constitutiones, Instituta, Regulas, Visitations, & Reformationes, aliaque circa Monasticam Disciplinam, observationes, ceteraque omnia pro Divini cultus augmento statuta, & ordinata, etiam sub censuris, & poenis, ac suffragiorum, tam activorum, quam passivorum privatione, aliisque Juris, & facti remediis opportunis, cum facultate aggravandi, & reaggravandi, & interdicens, invocato etiam ad hoc, si opus fecerit, auxilio brachii secularis, omni, & quaecumque appellatione, reclamatione, & recursum remotis inviolabiliter observari curet, & faciat, cum effectu, cum potestate omnia, & singula, ac quaecumque in praemissis universis, & singulis, & circa ea necessaria, seu quomodolibet opportuna facien., decernen., & exequen., per se, vel alium, seu alios ad id eligendum, vel eligendos, quam sibi tenore praesentium concedimus, & impartimur.

§. 2. Decernentes praesentes literas, nullo unquam tempore de subreptionis, vel obreptionis vitio, aut intentionis Nostrae, aut alio quovis defectu notari, argui, impugnari, revocari, restringi, vel limitari, ne praemissa per Capitulum generale, aut alias retractari, corrigi, vel abrogari possent, sed ab omnibus inviolabiliter observari. Sicque in praemissis per quoscumque Judices, etiam S. R. E. Cardinales, & causarum Palatii Apostolici Auditores, judicari debere: irritum quoque, & inane, quidquid secus super his a quoquam, quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac Monasteriorum, & Ordinis praedictorum statutis, concordis, etiam juramento, confirmatione Apostolica, vel quavis firmitate alia roboratis; privilegiis quoque Indultis, & literis Apostolicis dicto Ordini, ejusque Monasteriis, & Superioribus in genere, vel in specie, quomodolibet concessis, & innovatis. Quibus omnibus, etiam si pro illorum sufficienti derogatione de illis, eorumque totis tenoribus specialis, specifica, expressa, ac individua, non autem per clausulas generales idem importantes mentio, seu quavis alia expressio, aut alia exquisita forma, ad hoc servanda foret, tenores hujusmodi pro plene, & sufficienter expressis, & ad verbum insertis habentes, ad effectum praesentium dumtaxat specialiter, & expresse derogamus, ceterisque contrariis quibuscumque.

Datum Romae apud S. Petrum sub Anno Piscatoris die xx. Martii 1592. Pontificatus Nostri Anno primo.

Derogatio contrariorum

Dat. die 20. Martii 1592. An.I.

VII.

Suppresso Officio Vacabili Praefecti Carcerum Status Ecclesiastici, hujusmodi Praefecturam Confraternitatibus Charitatis erectis, vel erigendis committit.

CLEMENS EPISCOPUS

SERVUS SERVORUM DEI

Ad perpetuam rei memoriam.

Inter multiplices Pastoralis nostri officii curas, in eam libenter incumbimus, ut Populorum Nobis, & S. R. E. in temporalibus subditorum commodis, & publicae utilitati (quantum in nobis est) consulamus: & si qui interdum abusus in eorum commune damnum, & gravamen irrepunt, iis salubria, quaecumque possimus, remedia adhibeamus, prout conspiciamus in Domino expedire.

§. 1. Cum itaque alias omnes, & singulas concessionibus, applicationibus, & appropriationibus, deputaciones, & electiones omnium, & quorumcumque officiorum Guardianorum, & Custodum Carcerum, seu Car-

Procurium

Revocatis quibuscumque concessionibus circa Custodiam Carcerum;

Erectioque officio vacabili Praefecturae Generalis;

Carceratorum civilium, & criminalium in omnibus Civitatibus, Provinciis, Terris, & Locis Ditionis temporalis S. R. E. (Alma Urbe, ac Anconitan., & Beneventan. Civitatibus, ac earum Territoriis dumtaxat exceptis) quibusvis personis cujuscumque dignitatis existentibus, ac ipsius Legationibus, Guberniis, Potestatibus, Communitatibus, Universitatibus, aut certis Magistratibus per quoscumque Romanos Pontifices, vel eorum Officiales perpetuo, seu ad vitam cujuscumque eorum, vel ad tempus facta, auctoritate Apostolica revocata, & annullata fuerint: ipsaque officia, & illa conferendi, concedendi, assignandi, locandi, & alias de illis disponendi facultates, nec non emolumenta omnia, seu responsiones inde provenientes a quibusvis Legationibus, etiam de latere, Guberniis, Potestatibus, aliisque officiis, & Magistratibus, etiam per dictas Communitates, seu Universitates eligi, seu deputari solitis, penitus, & omnino perpetuo dismembrata, & separate, dictaque officia Custodum, & Guardianorum singula ab omni, & quacumque responsione annua, seu mensura, sive in ipso ingressu, & admissione persolvenda, nec non onere, & solutione Legatis, etiam de latere, Vicelegatis, Gubernatoribus, Potestatibus, Barisellis, Officialibus, Communitatibus, Universitatibusque, & eorum Magistratibus quibuscumque facienda exempta extiterint.

§. 2. Ac unum officium Praefecturae generalis Custodum, seu Guardianorum Carcerum, & Carceratorum hujusmodi ad vitam personae illud obtinentis vacabile, excepta prima vice, qua ut pro medietate non vacaret, indultum fuit, per unum Praefectum Generalem, qui omnibus Custodibus, & Guardianis Carcerum, & Carceratorum Provincialium, Civitatum, Oppidorum, & locorum praedictorum praesideat, omnesque ipsos pro suo arbitrio deputet, & amoveat, tenendum, & regendum eadem auctoritate erectum fuerit: eidemque officio Praefecturae, omnia, & quaecumque regalia, salaria, emolumenta, ordinaria, & extraordinaria, etiam incerta cum facultate alendi Carceratos cum solutionibus solitis, & consuetis, Jura, & obventiones per ipsos Custodes, Guardianos, & illorum quemlibet etiam ratione laboris, ac etiam quoad annuam, vel mensuram responsionem, per Legatos etiam de latere, Vice-Legatos, Gubernatores, Potestates, Barisellos, aliosque Officiales, & Magistratus, Communitatesque, & Universitates praedictas percipi solita, seu alias illis per quoscumque, etiam dictam Camera Apostolicam, ejusque Ministros, quavis occasione, vel causa solvi consuecta, vel quomodolibet debita perpetuo assignata, applicata, & appropriata fuerint.

§. 3. Insuper dilecto filio Joanni Baptista de Lilio Clerico Bononien., cujus nomine, ac pro pretio dicti officii sic erecti quondam Annibal etiam Lilius ejus Genitor 13. millia scuta monetae ad rationem Juliorum decem Bull. Rom. Tom. V. Par. I.

pro quolibet scuto jam persolverat, officium praedictum Praefecturae generalis, sic ab ejus primava erectione vacans, cum omnibus illius honoribus, oneribus, facultatibus, salariis, emolumentis, Juribus, & obventionibus ordinariis, & extraordinariis, & incertis, illis quomodolibet debitis, ut praesertur, per illum, quoad vixerit tenendum, habendum, & regendum concessum extiterit, cum Indulto pro haereditis dictorum Annibalis, & Joannis Baptista, ut si ipsum, quando dictum officium obtineret, decedere contigisset, medietas illius pretii reservata, salvaque esset, prout in ejus Literis Apostolicis, seu in forma Brevis desuper expeditis, latius continetur.

§. 4. Nos intelligentes, postmodum experientia compertum esse, dum ipse Praefectus aliis plerumque conductoribus lucricausa, id muneris obeuntibus vices suas demandat, vix posse eam, quam Christianos potissimum decet erga personas in carcere detentas charitatem exercere: multos etiam de gravaminibus sibi per hujusmodi Substitutos Custodes illatis in dies conquiri: saepe etiam contigisse, ut plures pauperes artis alieni, quod suo tempore solvere nequiverunt, causa, in Carcerem ducti, in ipso Carcere, ut se alerent, novum as alienum contrahere coacti fuerint, propter quod rursus retenti in eodem carcere, licet prius illi are alieno se exolvissent: Inopes vero gratis et carcere liberari non posse, sicuti antea fieri solebat, sed in carceribus misere marcescere: Ideoque in praemissis opportuna aliqua ratione publicae utilitati consulere volentes,

§. 5. Motu proprio, non ad alicujus super hoc oblata petitionis instantiam, sed ex mera nostra deliberatione, & certa scientia, deque Apostolicae potestatis plenitudine, officium Praefecturae Generalis Custodiae, seu Guardianorum Carcerum hujusmodi, cujus erectionis, & illius concessionis in favorem dicti Joannis Baptista, ut praesertur facta, ac desuper confirmata literarum tenorem, praesentibus haberi volumus pro expressis, & ad verbum insertis, illiusque nomen, titulum, & denominationem perpetuo, tenore earumdem praesentium suppressimus, & extinguimus, concessionemque praedicto Joanni Baptista de illa, ut praesertur etiam titulo oneroso factam, ejusdem Joannis Baptista expresso ad hoc accedente consensu, eique restituto pretio, quod alias, ut dictum, est persolverat, ac ulterius ei solutis bis mille scutis, que illi largimur, ut libentius consensum hujusmodi praestet, nec non per eum, ejusve Genitorem postea factas sublocationes, subdelegationes, subrogationes, & deputaciones, ac contractus desuper initos, etiam Juramento, & quavis alia firmitate roboratos, ac Instrumenta etiam cum obligatione in forma Camerae Apostolicae celebrata cum omnibus inde secutis revocamus, irritamus, & annullamus, nulliusque roboris, vel momenti esse decernimus, itaut de cetero neque ipsi Joanni Baptista, aut cuicum-

Ex quo tamen nonnulli exoriebantur abusus.

Clemens restituit pretio dicti officii suppressit.

que ab eo causam habenti, in aliquo suffragentur, neque alterutra pars ad observantiam eorum, quae in Constitutionibus, & Instrumentis praedictis continentur, in futurum ulterius teneantur.

§.6. Novam vero, & magis piam, ac miserabilibus personis, & pauperibus commodiorem Custodum Carcerum rationem inire cupientes, in unaquaque Civitate, Terra, Oppido, & loco dictae ditionis, & Status Ecclesiastici, singula officia Custodum Carcerum, quae inibi sunt, quaque hactenus dicto officio Praefecti Generalis per praesentes suppressio annexa, & ab eo dependentia, eique incorporata fuerunt, cum omnibus eorum Juribus, pertinentiis, auctoritatibus, facultatibus, & emolumentis, ei Confraternitati, sive Societati Laicorum, seu Clericorum, aut mixtim, quae charitatis, & pietatis opera erga Carceratos in ea Civitate, Oppido, & loco exercere solita est: aut si in aliqua ex hujusmodi Civitatibus, Terris, Oppidis, & locis, nulla Confraternitas, quae id faciat, ad praesens reperitur, ei Confraternitati, seu Societati, quam loci Ordinarius ad id pium munus obeundum deputandam, seu de novo erigendam duxerit, motu, scientia, & potestate similibus perpetuo unimus, annectimus, & incorporamus.

§.7. Et singulas Confraternitates praedictas, quae inopes, egenos, carceratos gratis alere, & gratis etiam dimittere, pietatis causa visitare, sincera in Domino charitate tractare, spiritualibus, & temporalibus auxiliis juvare, aliaque erga eos pia opera exercere teneantur, sicuti similes Confraternitates charitatis, & pietatis nuncupatae in hac Alma Urbe erectae erga carceratos exercere solent, quoad officia hujusmodi in locum, & Jura ipsius Praefecti Generalis ponimus, & subrogamus.

§.8. Nec non eisdem Confraternitatibus, & earum unicuique respective Custodes singulos in carceribus praedictis idoneos ad beneplacitum ipsius Confraternitatis, & ad tempus, & cum salario, seu mercede ei benefica, de expressa tamen licentia, & consensu Governoris, seu Potestatis, aut Praefidis ejus loci, nec alias ponendi, & ad nutum ejusdem Confraternitatis amovendi, nec non jura, salaria, mercedes, emolumenta, ac regalia quaecumque Custodibus Carcerum solvi solita, & ad eos quomodolibet pertinentia, per fideles ministros ad id per ipsas Confraternitates deputandos colligendi, exigendi, & levandi, ac in propriis earundem Confraternitatum usus convertendi, omniaque, & singula, quae ipse Praefectus Custodum facere poterat, seu debet, & consueverat, aliaque in praemissis, & circa ea necessaria, & quomodolibet opportuna, etiam quae expressionem requirerent magis specialem, & sub generali concessione non venirent, gerendi, mandandi, & exequendi plenam, & liberam harum serie facultatem concedimus, & impartimur.

§.9. Quamquam vero emolumenta hujusmodi integra sine ullo onere ipsius Con-

Carcerum Custodiam, & praesentiam in quolibet loco Confraternitati ad hoc pium opus instituta, vel institutur.

Quas Confraternitates in locum praedicti Praefecti cum eisdem jure, & Privilegiis subrogat.

Eisque emolumenta omnia applicat, & privilegia concedit.

Injuncto onere solvendi

fraternitatis elargiri, summopere cupemus, tamen cum ipsius Joannis Baptiste indemnitati, ut praefertur, consulendum sit, Camera Apostolica multis, & extraordinariis impensis gravata pecunias ad id necessarias in promptu non habeat, gravesque sumptus ad arcendos Bannitos, ac facinorosos homines ab ipsa ditione Ecclesiastica, & ad succurrendum Catholicis in Christianissimo Franciae Regno, qui furiosis haeeticorum armis pene oppressi sunt, in dies magis subire cogamur, aliquid subsidii ad tempus modicum comparare volentes, loco annuae responsionis circiter quatuor millium scutorum, quae ipse Joannes Baptista ex sublocationibus officiorum Custodum hujusmodi in totum percipere consueverat, imponimus, atque indicimus taxam 1500. scutorum tantum per ipsas Confraternitates, & earum singulas pro rata a dilectis filiis Sanctae Romanae Ecclesiae Camerario, & Thesaurario Generali habita ratione prioris responsionis, ut praefertur solvi solita, declaranda, ex nunc in futurum Camera Apostolica, ac pro ea Thesaurario pro tempore existenti ejus Provinciae, ubi quaeque Civitas, Terra, aut Oppidum, vel locus sita erunt, annuatim de bimestri in bimestre anticipata, & pro rata perfolven. ea nimirum de causa, ut ex ea dos, seu fructus pro locis, seu portionibus montis vacabilis ad effectum congerendae summae dictorum 15. mill. scutorum, quae dicto Joanni Baptiste restituenda, & solvenda erunt, per Nos erigendi constituantur.

§.10. Decernentes Taxam hujusmodi tamdiu per ipsas Confraternitates solvendam esse, donec extinctis per obitum personarum illa obtinentium omnibus locis, seu portionibus ejusdem montis, quae cum primum, ut praefertur vacaverint, eo ipso extincta esse volumus, & aliis ulterius vendi, aut alias concedi prohibemus, id totum commodo earundem Confraternitatum cedat, & ab hac impositione, & a quocumque alio onere, & solutione prorsus immunes, & exempta possint uberius, & commodius suam erga Carceratos charitatem, & beneficentiam exercere.

§.11. Quocirca universis, & singulis locorum hujusmodi Ordinariis per Apostolica scripta mandamus, ut ipsi, & eorum quilibet per se, vel alium, seu alios praesentes literas, & in eis contenta quaecumque solemniter publicantes, faciant illas per eos, ad quos spectat, inviolabiliter observari: Contradictores per censuras, & poenas Ecclesiasticas, aliaque opportuna juris, & facti remedia appellatione postposita, compescendo.

§.12. Non obstantibus praemissis, & quibuscumque Constitutionibus, & Ordinationibus Apostolicis, & dictarumque Provinciarum, Civitatum, Terrarum, Oppidorum, & locorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, earumque Civitatibus, Universitatibus, &

1500. scutis quotannis pro summa restituenda DD. de Liliis.

Qua restituta summa omnia in beneficium dd. Confraternitatum cedant.

Executione locorum Ordinariis committit.

Oblantia tollit.

Ma-

Magistratibus, ac personis sub quibuscumque tenoribus, & formis, ac cum quibusvis clausulis, & decretis etiam iteratis vicibus concessis, approbatis, & innovatis. Quibus omnibus etiam de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores hujusmodi, acsi ad verbum infererentur, praesentibus pro expressis habentes, specialiter, & expresse derogamus, ceterisque contrariis quibuscumque.

Fidem transumptis addit.

Clausula.

§.13. Volumus autem, ut praesentium transumptis, etiam impressis manu Notarii publici subscriptis, & sigillo personae in dignitate Ecclesiastica constitutae munitis, eadem prorsus fides in judicio, & extra illud ubique locorum adhibeatur, quae adhiberetur praesentibus, si forent exhibitae, vel ostense.

§.14. Nulli ergo omnino hominum liceat hanc paginam nostrae suppressionis, extinctionis, largitionis, revocationis, irrationis, annulationis, unionis, annexionis, incorporationis, positionis, surrogationis, concessionis, impartitionis, impositionis, indictionis, decretorum, mandati, derogationis, & voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 11. Aprilis 1592. An.I.

Datum Romae in Monte Quirinali Anno Incarnationis Dominicae millesimo quingentesimo nonagesimo secundo, tertio Idus Aprilis, Pontificatus nostri Anno I.

VIII.

Ex Regest. in Secret. Beve.

Confirmatio Decretorum Cardinalis Camerarii pro Communitatibus Status Ecclesiastici.

CLEMENS PAPA VIII.

Ad futuram rei memoriam.

Card. Camerarius edictum tolerat circa solutiones a subditis Status Ecclesiastici Camerae Apostolicae faciendas.

§.1. PRO nostro Pastoralis munere subditorum nostrorum incommodis sublevandis, publica utilitate, ac necessitate id exigente intenti, dilecto filio nostro Henrico Tituli Sanctae Pudentianae Presbytero Cardinali Caetano S. R. E. Camerario viva vocis oraculo dedimus in mandatis, ut statim circa solutiones, etiam Camerae Apostolicae, ac illius Ministris, & Appaltatoribus per eisdem subditos faciendas aliqua statueret, atque decerneret, donec magis opportunum remedium his rebus adhiberemus, ad quorum mandatorum executionem idem Henricus Cardinalis Camerarius procedens edictum per viam legis generalis proposuit.

Confirmat Clemens, & executioni mandari jubet.

§.2. Volentes igitur in eodem edicto contenta, cujus seriem inferius adscribi fecimus, exacte observari, illi, ac in eo con-

tentis quibuscumque motu proprio, & ex certa scientia, maturaque deliberatione nostra, ac de Apostolica potestate plenitudine plenaria, & inviolabilis firmitatis robur adjicimus, ac ab omnibus tam in Urbe nostra, & Romana Curia, quam extra eam Jusdicentibus, etiam Notario, in eadem Urbe, ejusque Districtu nunc, & pro tempore Vicario generali, ac Governatore, & Senatore praedictae Urbis, nec non Caesarum ejusdem Camerae Apostolicae generali Auditore, extra Urbem vero per Nostros, & Sedis Apostolicae, etiam de latere Legatos, Vice-Legatos, Governatores, Rectores, & alios jura reddentes, ejus edicti observationem procurari debere praecipimus, atque mandamus, ac juxta edicti praedicti, & in eo contentorum seriem, & tenorem, nec aliter in quibuscumque judiciis, & litibus motis, & imposterum introducendis, etiam coram Caesarum Palatii Nostri Apostolici Auditoribus, ac S. R. E. Cardinalibus, ac quibusvis aliis Tribunalibus, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & diffiniri debere: irritumque, & inane decernimus, quid quid secus super his a quoquam quavis auctoritate scienter, vel ignoranter contigerit attentari.

§.3. Non obstantibus Cancellariae Nostre Apostolicae Regulis, aliisque Constitutionibus, & Ordinationibus Apostolicis, ac contractibus, & conventionibus, tam cum particularibus personis, quam cum Camera nostra Apostolica praedicta initis, & imposterum incundis, ejusdemque Camerae, atque Provinciarum, Civitatum, Terrarum, & locorum statutis, sileo, atque stabilimentis, nec non consuetudinibus, etiam immemorabilibus, Juramento, confirmatione Apostolica, vel quavis firmitate alia roboratis, privilegiis quoque, Indultis, & Literis Apostolicis eidem Camerae, illiusque Thesaurariis in Provinciis deputatis, ac Civitatibus, Terris, & Locis Status Ecclesiastici constitutis Appaltatoribus, & Ministris, nec non Vicario Urbis, Governatori, Senatori, atque Auditori generali Caesarum Camerae praedictae sub quibuscumque tenoribus, & formis, ac cum quibusvis efficacissimis, & insolitis clausulis, irritantibusque, & aliis decretis etiam ex causa onerosa, atque in vim contractus ultrocitraque obligatorii concessis confectis, ac saepius innovatis. Quibus omnibus, etiam de illis, eorumque totis tenoribus specialis, specifica, & expressa, non autem per clausulas generales idem importantes mentio, aut quavis alia expressio habenda esset, illorum tenores, acsi de verbo ad verbum infererentur, his nostris literis pro expressis, atque insertis habentes, illis alias, dummodo edicti praedicti, & in eo comprehensorum effectum impedire, aut retardare nequeant, in suo robore permanentis, hac vice dumtaxat specialiter, & expresse, ac latissime derogamus, ceterisque contrariis quibuscumque.

Oblantia tollit.

Te-